

THOMAS LINDNER

*Amores ancipites*

Editio maior  
ab auctore curata et purgata

**Vol. V. ( $C^M_5$ )**

Salisburgi MMXXVI

Officina Tiliana

In Kommission bei  
EDITION TANDEM, Salzburg | Wien  
[www.edition-tandem.at](http://www.edition-tandem.at)  
Druck: druck.at

ISBN 978-3-903516-48-9

© Thomas Lindner, *P.L.*  
2026



**I.** *Futilis hic amor est, qui nesciat utilis esse.*

**II.** *Utilis ille amor est, qui nolit futilis esse.*

**III.** *L'amore è il ciel!?*

⊗⊗

**I.**

## *Caro*

*Ei mihi! In intima cordis parte vulnerabar,  
Cum Cupidinis me sagitta vehemens icisset.  
Plus sex mensibus dolor mihi inhaeret,  
Vel potius dicam, desiderium puellae huius cognoscendae.  
Sed est, ut semper, via longa: primum non ausus 5  
Mihi ipsi libidinem confiteri, fugere volui.  
Deinde, fugiendi impotens, diffusi sensus potentia  
Attractissimus, ei propinquare conabar –  
Non me reppulit, vult, credo equidem, quamvis  
Aliter adamata, nescio autem, si vere adamata. 10  
Debeo rogare, sed timeo repulsam.  
Sed rogare mihi opus est, et scire velim.  
Diffusus est sensus, incerta anima, nescit,  
Si velit, si nolit – amo eam; amone eam?  
Cara mihi est, nomen carum, Caro placet! 15  
Amo eam! Sed me amat? Incertum.  
Me primum agnoscere, deinde eam, caram, caram. ⊗*

*Carolina, Carolina,  
Mea stella matutina,  
Te considero  
Simulque desidero.*

⊗

*Es regnet zwar, doch scheint in mir die sonne  
Durch dich, du holde göttin meiner monne.*

⊗

*Wie schön ist's, weiß mann sich ein weiblich herz verbunden,  
Da sind dann alle schlimmen sorgen schnell verschwunden.* ⊗

*Ich liebe dich! ob nah, ob fern,  
Ich sage dir das immer gern.*



*Mein schatz, du wirst dich diplomieren,  
Dann wir uns können matrimonisieren!*

⊗



*Soeben strömte es in regen,  
Jetzt sonnt es wieder strahlend schein.  
Tu dich nicht sorgen Hubsì wegen,  
Es wird schon alles gutti sein.*

⊗

*„Ich liebe dich“ will meiner Caro sagen  
Ich immerdar und bin schon am verzagen,  
Weil ich so ferne von dir weile.  
Wie freu ich mich auf deine nächste zeile!*

⊗

*Ein letztes bussi aus der ferne,  
Denn morgen komm zurück ich ach so gerne.  
Doch brauchst du nicht anleinen mich,  
Da feste liebesbande binden mich an dich!*

⊗

*Ich liebe dich, und du liebst mich,  
Das ist das schönste auf der welt:  
Da wir uns lieben inniglich,  
Auch unsre liebe ewig hält.*



*Hell scheint zum fenster die sonne rein,  
Doch bist der wahre sonnenschein  
Für mich, mein lieblich, nur du allein!*

⊗

*Mia caro-a tortorella,  
Lullus te amat bella  
In eternità.*

*Ritornus a casa la sera,  
Et gaudet gaudet vera-  
Mente delle Lullità.*

5

*Tu sei mio profondo amore,  
Ti amo dall'intimo core  
E dalle altre intimità.*

⊗

## *Caroisches Sonett*

5

10

⊗

### *Caronisches Couplet*

*Die zeit, sie will so gar nicht schnell vergehn,  
Jedoch in bälde werden wir uns wiedersehn.*

*Mein schatz! dann endlich wird mein wundes herz  
Erholen sich vom langen trennungsschmerz.*

*Drum freue dich auf deines mannes rück- 5  
Kunft, wähne dich, wie er, im höchsten glück. ⊗*



*Mein schatz, ich liebe dich und will dich nicht verlieren,  
Drum geh mir in den lüften bitte nicht flanieren!*

⊗

*Caroisches Amorett*

*Ich, Thommy, liebe dich,  
Du, Caro, liebest mich;  
Gibt's schöneres hienieden? nein!  
Das muß das paradies auf erden sein.*

⊗

*Un poëma per te*

*Ych lybe dyr so sehr,  
Und lybe dyr noch mehr,  
Oh lyblyng lyblyng meyn,  
Laß uns fjr ymmer zusammenseyn!*

⊗

*That is the question.*  
*Whether it is nobler in the mind*  
*—I don't know.*

⊗

*Tu sei bellissima*  
*Et genialissima*  
*Et attractivissima*  
*Puella del mondo,*  
*Dell'universo,* 5  
*Del contro-universo*  
*Et cetera et cetera.*

*Tu sei bell(in)issima*  
*Ragazza di tutto il mondo,*  
*Di tutto l'universo,* 10  
*Del contro-universo*  
*E della creazione*  
*Divino-umana.*

*Tu sei anche*  
*La optima et benissimo* 15  
*ista*  
*Di tutto il mondo*  
*Musicale musicalissima.*

*Tu sei bellinissima!* ⊗

## *Poëma dell'addio*

*Qui scis in fine amoris versare,  
Sic est amaro amare amore,  
Sed numquam hic et nunc desperare,  
Si leftus sine puella, dolore  
Tuo suppressus, novam expectare  
Spem, spemem, exstatus spemore.  
Heu, heu, non misericordiam vocare,  
Sed novam novo flammam accende vigore!*

5

⊗

## *A Valedictory Sonnet*

*Like as a quenched flame by inspiration  
Is set ablaze, I burned, when seeing thee;  
I pined for thee with gloomy suspiration,  
So that reflection nearly abandoned me.*

*A new and fertile flame incent my heart  
And subtly trembled down the frozen limbs;  
Again I suffered from a mortal dart,  
And thus my soul with doleful moaning brims.*

5

*For I suspired in vain—a sombre doom  
Would not allow to enjoy our common lair;  
How did I fear reality should loom  
And tearfully destroy my vision fair.*

10

*I must resign; within my inmost dole  
I cry, and this effects a clearer soul.*

⊗

*Was für ein schöner morgen!*

*Schau,*

*Die sonne scheint so lau,*

*Lau-*

*Sch, die nachtigall trällert*

5

*Ihr liedchen:*

*Oh busen der natur,*

*Ich bin so gern in dir,*

*Wenn du,*

*Prall gefüllt,*

10

*Mir von deiner milch spendest.*

*Leider muß ich*

*Als milchallergiker*

*Dann kotzen.*

⊗



*Il mio dolor reciproco  
Non è purtroppo a lei,  
Perchè il suo pian di vivere  
Co' desiderî miei  
Non corrisponde. — L'anima  
Anch'io così l'avrei!  
Così, così insensibile  
Anch'io che sia, vorrei!*

5

⊗

*Un bel dì ci rivedremo?  
Una volta ci uniremo?  
No, quel dì giammai verrà!  
Quella volta mai sarà!  
Perchè il fato a noi serbato  
Ha una sorte più crudel.  
Ma tal è giustificato,  
Chè non stii tu a me fedel!*

5

⊗⊗

**II.**

## *Dido*

Urbs antiqua fuit, Tyrii tenuere coloni,  
Dives opum, felix Karthago, asperrima belli;  
Condidit hanc Dido regina ac dirigit urbem.  
Qualis apes Hyblaea suis bona perstrepit alis  
Pascua et in variis desudat floribus, ingens 5  
Fervet opus: fervet populi pars ducere muros  
Molirique arcem et manibus subvolvere saxa,  
Pars optare locum tecto et concludere sulco.  
Iura magistratusque legunt sanctumque senatum;  
Hic portus alii effodiunt; hic apta theatri 10  
Fundamenta locant alii immanesque columnas  
Rupibus excidunt, scaenis decora alta futuris.  
Interea Aeneas Medium Mare classe tenebat:  
Late e conspectu Siculae telluris in altum  
Vela dabant profugi et spumas salis aere ruebant. 15  
Ut pelagus secuere rates, nec iam amplius ulla  
Apparet tellus, maria undique et undique caelum,  
Illi caeruleus supra caput astitit imber  
Noctem hiememque ferens et inhorruit unda tenebris.  
Cuncti continuo venti velut agmine facto, 20  
Qua data porta, fremunt et terras turbine perflant.  
Incubuerunt mari totumque a sedibus imis  
Una Eurusque Notusque ruunt creberque procellis  
Africus et vastos volvunt ad litora fluctus:  
Insequitur clamorque virum stridorque rudentum. 25  
Eripiunt subito nubes caelumque diemque  
Teucrorum ex oculis; ponto nox incubat atra.  
Intonuere poli et crebris micat ignibus aether,  
Praesentemque viris intentant omnia mortem.

Extemplo Aeneae solvuntur frigore membra: 30  
 Ingemit et duplices tendens ad sidera palmas  
 Talia voce refert: «O terque quaterque beati,  
 Quis ante ora patrum Troiae sub moenibus altis  
 Contigit oppetere! O Danaum fortissime gentis  
 Tydide! Mene Iliacis occumbere campis 35  
 Non potuisse tuaque animam hanc effundere dextra,  
 Saevus ubi Aeacidae telo iacet Hector, ubi ingens  
 Sarpedon, ubi tot Simois correpta sub undis  
 Scuta virum galeasque et fortia corpora volvit?»  
 Talia iactanti stridens Aquilone procella 40  
 Velum adversa ferit fluctusque ad sidera tollit.  
 Franguntur remi, tum prora avertit et undis  
 Dat latus, insequitur cumulo praeruptus aquae mons.  
 Hi summo in fluctu pendent, his unda dehiscens  
 Terram inter fluctus aperit, furit aestus harenis. 45  
 Tres Notus abreptas in saxa latentia torquet  
 (Dorsum immane mari summo), tres Eurus ab alto  
 In brevia et Syrtes urget – miserabile visu –  
 Illiditque vadis atque aggere cingit harenae.  
 Unam, quae Lycios fidumque vehebat Oronten, 50  
 Ipsius ante oculos ingens a vertice pontus  
 In puppim ferit: excutitur pronusque magister  
 Volvitur in caput; ast illam ter fluctus ibidem  
 Torquet agens circum et rapidus vorat aequore vertex.  
 Apparent rari nantes in gurgite vasto, 55  
 Arma virum tabulaeque et Troia gaza per undas.  
 Iam validam Ilionei navem, iam fortis Achatae,  
 Et qua vectus Abas et qua grandaevus Aletes,  
 Vicit hiems: laxis laterum compagibus omnes

Accipiunt inimicum imbrem rimisque fatiscunt. 60  
 Interea magno misceri murmure pontum  
 Emissamque hiemem sensit Neptunus et imis  
 Stagna refusa vadis graviter commotus et alto  
 Prospiciens summa placidum caput extulit unda.  
 Disiectam Aeneae toto videt aequore classem, 65  
 Fluctibus oppressos Troas caelique ruina.  
 Auxilio veniens subito tumida aequora placat  
 Collectasque fugat nubes solemque reducit.  
 Cymothoë simul et Triton annixus acuto  
 Detrudunt naves scopulo; levat ipse tridenti 70  
 Et vastas aperit syrtes et temperat aequor  
 Atque rotis summas levibus perlabitur undas.  
 Sic cunctus pelagi cecidit fragor, aequora postquam  
 Prospiciens genitor caeloque invectus aperto  
 Flectit equos curruque volans dat lora secundo. 75  
 Defessi Aeneadae, quae proxima litora, cursu  
 Contendunt petere et Libyae vertuntur ad oras.  
 Est in secessu longo locus: insula portum  
 Efficit objectu laterum, quibus omnis ab alto  
 Frangitur inque sinus scindit sese unda reductos. 80  
 Hinc atque hinc vastae rupes geminique minantur  
 In caelum scopuli, quorum sub vertice late  
 Aequora tuta silent; tum silvis scaena coruscis  
 Desuper horrentique atrum nemus imminet umbra.  
 Fronte sub adversa scopulis pendentibus antrum; 85  
 Intus aquae dulces vivoque sedilia saxo,  
 Nympharum domus: hic fessas non vincula naves  
 Ulla tenent, unco non alligat ancora morsu.  
 Huc septem Aeneas collectis navibus omni

Ex numero subit, ac magno telluris amore 90  
 Egressi optata potiuntur Troes harena  
 Et sale tabentes artus in litore ponunt.  
 Ac primum silici scintillam excudit Achates  
 Suscepitque ignem foliis atque arida circum  
 Nutrimenta dedit rapuitque in fomite flammam. 95  
 Tum Cererem corruptam undis Cerealiaque arma  
 Expediunt fessi rerum frugesque receptas  
 Et torrere parant flammis et frangere saxo.  
 Aeneas scopulum interea conscendit et omnem  
 Prospectum late pelago petit, Anthea si qua 100  
 Iactatum vento videat Phrygiasque biremes  
 Aut Capyn aut celsis in puppibus arma Caïci.  
 Attonitus tanto miserarum turbine rerum  
 «Iuppiter o!» dicit «si te non falsa precamur,  
 Nec te, magne pater, nostri pudet esse patronum, 105  
 Aut fer opem nobis aut nos quoque conde sepulcro!»  
 Ille notam fulgore facit tonitruque secundo:  
 Navem in conspectu nullam, sed litore cervos  
 Prospicit errantes; hos tota armenta sequuntur  
 A tergo, et longum per valles pascitur agmen. 110  
 Constitit hic arcumque manu celeresque sagittas  
 Corripuit, fidus quae tela gerebat Achates,  
 Ductoresque ipsos primum capita alta ferentes  
 Cornibus arboreis sternit, tum vulgus et omnem  
 Miscet agens telis nemora inter frondea turbam; 115  
 Nec prius absistit, quam septem ingentia victor  
 Corpora fundat humi et numerum cum navibus aequet.  
 Hinc portum petit et socios partitur in omnes;  
 Vina, amplis quae rite cadis oneraverat, heros

|                                                    |     |
|----------------------------------------------------|-----|
| Dividit et dictis maerentia pectora mulcet:        | 120 |
| «O socii – neque enim ignari sumus ante malorum –  |     |
| O passi graviora, dabit deus his quoque finem.     |     |
| Vos et Scyllaeam rabiem penitusque sonantes        |     |
| Accestis scopulos vos et Cyclopea saxa             |     |
| Experti: revocate animos maestumque timorem        | 125 |
| Mittite; forsán et haec olim meminisse iuvabit.    |     |
| Durate et vosmet rebus servate secundis!»          |     |
| Talia voce refert curisque ingentibus aeger        |     |
| Spem vultu simulat, premit altum corde dolorem.    |     |
| Illi se praedae accingunt dapibusque futuris:      | 130 |
| Tergora deripiunt costis et viscera nudant;        |     |
| Pars in frusta secant verubusque trementia figunt; |     |
| Litore aëna locant alii flammisque ministrant.     |     |
| Tum victu revocant vires fusique per herbam        |     |
| Implentur veteris Bacchi pinguisque ferinae.       | 135 |
| Postquam exempta fames epulis mensaeque remotae,   |     |
| Amissos longo socios sermone requirunt             |     |
| Spemque metumque inter dubii, seu vivere credant   |     |
| Sive extrema pati nec iam exaudire vocatos.        |     |
| Praecipue pius Aeneas nunc acris Oronti,           | 140 |
| Nunc Amyci casum gemit et crudelia secum           |     |
| Fata Lyci fortemque Gyan fortemque Cloanthum;      |     |
| Maius opus dehinc magnanimo sub pectore volvens    |     |
| Gratos caespitibus superum mandabat honores.       |     |
| Viscera diripuit flammisque arisque remittens      | 145 |
| Et vina effudit pateris et dona Lyaei;             |     |
| Tura ignes adolent, onerata altaria fumant.        |     |
| Ingenti et clara Aeneas supereminet omnes          |     |
| Virtute excellens, pro vitae numina dono           |     |



Exorat summisque Iovem cum laudibus effert. 150  
 Et iam finis erat, cum Iuppiter aethere summo  
 Dispiciens mare velivolum terrasque iacentes  
 Litoraue et latos populos sic vertice caeli  
 Constitit et Libyae defixit lumina regnis.  
 Atque illum tales iactantem pectore curas 155  
 Tristior et lacrimis oculos suffusa nitentes  
 Alloquitur Venus: «O qui res hominumque deumque  
 Aeternis regis imperiis et fulmine terres,  
 Quid meus Aeneas in te committere tantum,  
 Quid Troes potuere, quibus tot funera passis – 160  
 Cuius ob iram? – omnis terrarum clauditur orbis?  
 Hoc equidem occasum Troiae tristesque ruinas  
 Solabar fatis contraria fata rependens;  
 Nunc eadem fortuna viros tot casibus actos  
 Insequitur. Quem das finem, rex magne, laborum? 165  
 Nos, tua progenies, caeli quibus annuis arcem,  
 Navibus – infandum – amissis, heu! cuius ob iram  
 Prodimur ac totis longe disiungimur oris?  
 Hic pietatis honos? Sic nos in sceptris reponis?»  
 Illi subridens hominum sator atque deorum 170  
 Vultu, quo caelum tempestatesque serenat,  
 Oscula libavit natae, tum talia fatur:  
 «Parce metu: immensa est finemque potentia caeli  
 Non habet, et quidquid superi voluere, peractum est.  
 Crede mihi, Cytherea, manent immota tuorum 175  
 Fata tibi! Cernisne urbem Karthaginis altam  
 Didonemque bonam reginam? Filius illam  
 Uxorem ducet regnumque perenne tenebit.  
 Sublimemque suo tolles ad sidera caeli

|                                                   |     |
|---------------------------------------------------|-----|
| Tempore magnanimum Aenean; sententia perstat!     | 180 |
| Et puer Ascanius, cui nunc cognomen Īulo          |     |
| Additur (Ilus erat, dum res stetit Ilia regno),   |     |
| Officium explebit regnumque ab sede paterna       |     |
| Transferet: Italiam multa vi muniet olim.         |     |
| Huic ego nec metas rerum nec tempora ponam,       | 185 |
| Imperium sine fine dabo, sine fine manebit.       |     |
| Sic placitum!» Dedit amplexus atque oscula natae  |     |
| Fixit et inde satum Maia demisit ab alto,         |     |
| Ut terra utque nova Karthaginis arce pateret      |     |
| Hospitium Teucris, ne fati nescia Dido            | 190 |
| Finibus arceret: volat ille per aëra magnum       |     |
| Remigio alarum ac Libyae citus astitit oris.      |     |
| Et iam iussa facit, ponuntque ferocia Poeni       |     |
| Corda volente deo; in primis regina quietum       |     |
| Accipit in Teucros animum mentemque benignam.     | 195 |
| At pius Aeneas per noctem plurima volvens,        |     |
| Ut primum lux alma data est, exire locosque       |     |
| Explorare novos, quas vento accesserit oras,      |     |
| Quaerere constituit sociisque exacta referre.     |     |
| Classem in convexo nemorum sub rupe cavata        | 200 |
| Arboribus clausam circum atque horrentibus umbris |     |
| Occulit; ipse uno graditur comitatus Achate.      |     |
| Corripuere viam interea, qua semita monstrat;     |     |
| Iamque ascendebant collem, qui plurimus urbi      |     |
| Imminet adversasque aspectat desuper arces.       | 205 |
| Miratur molem Aeneas, magalia quondam,            |     |
| Miratur portas strepitumque et strata viarum.     |     |
| «O fortunati, quorum iam moenia surgunt!»         |     |
| Aeneas ait et fastigia suspicit urbis;            |     |

Cum comite in turbam se infert neque cernitur ulli. 210  
 Lucus in urbe fuit media, laetissimus umbra,  
 Quo primum iactati undis et turbine Poeni  
 Effodere loco signum, quod regia Iuno  
 Monstrarat, caput acris equi; sic nam fore bello  
 Egregiam et facilem victu per saecula gentem. 215  
 Hic templum Iunoni ingens Sidonia Dido  
 Condebat, donis opulentum et numine divae,  
 Aerea cui gradibus surgebant limina nexaeque  
 Aere trabes, foribus cardo stridebat aënis.  
 Hoc primum in luco nova res oblata timorem 220  
 Leniit, hic primum Aeneas sperare salutem  
 Ausus et afflictis melius confidere rebus.  
 Namque sub ingenti lustrat dum singula templo  
 Cum fido socio, dum, quae fortuna sit urbi,  
 Artificumque manus navas operumque laborem 225  
 Miratur, videt Iliacas ex ordine pugnās  
 Bellaque iam fama totum vulgata per orbem,  
 Atridas Priamumque et saevum ambobus Achillem.  
 Constitit et lacrimans «Quis iam locus,» inquit «Achate,  
 Quae regio in terris nostri non plena laboris? 230  
 En Priamus! Sunt hic etiam sua praemia laudi,  
 Sunt lacrimae rerum et mentem mortalia tangunt.  
 Solve metus; feret haec aliquam tibi fama salutem.»  
 Sic ait atque animum picturis pascit amaris  
 Multa gemens largoque umectat flumine vultum. 235  
 Namque videbat, uti bellantes Pergama circum  
 Hac fugerent Grai, premeret Troiana iuventus,  
 Hac Phryges, instaret curru cristatus Achilles.  
 Nec procul hinc Rhesi niveis tentoria velis

Agnoscit lacrimans, primo quae prodita somno 240  
 Tydides multa vastabat caede cruentus  
 Ardentesque avertit equos in castra, priusquam  
 Pabula gustassent Troiae Xanthumque bibissent.  
 Parte alia fugiens amissis Troilus armis  
 Infelix puer atque impar congressus Achilli 245  
 Fertur equis curruque haeret resupinus inani  
 Lora tenens tamen; huic cervixque comaeque trahuntur  
 Per terram et versa pulvis inscribitur hasta.  
 Interea ad templum non aequae Palladis ibant  
 Crinibus Iliades passis peplumque ferebant 250  
 Suppliciter tristes et tusae pectora palmis;  
 Diva solo fixos oculos aversa tenebat.  
 Ter circum Iliacos raptaverat Hectora muros  
 Exanimumque auro corpus vendebat Achilles.  
 Tum vero ingentem gemitum dat pectore ab imo, 255  
 Ut spolia, ut currus utque ipsum corpus amici  
 Tendentemque manus Priamum conspexit inermes.  
 Se quoque principibus permixtum agnovit Achivis  
 Eoasque acies et nigri Memnonis arma.  
 Ducit Amazonidum lunatis agmina peltis 260  
 Penthesilea furens mediisque in milibus ardet  
 Aurea subnectens exsertae cingula mammae  
 Bellatrix audetque viris concurrere virgo.  
 Haec dum Dardanio Aeneae miranda videntur,  
 Dum stupet obtutuque haeret defixus in uno, 265  
 Dido se media subito tulit obvia silva  
 Virginis os habitumque gerens et virginis arma  
 Spartanæ vel qualis equos Threïssa fatigat  
 Harpalyce volucremque fuga praevertitur Hebrum.

Namque umeris de moreabilem suspenderat arcum 270  
 Venatrix dederatque comam diffundere ventis  
 Nuda genu nodoque sinus collecta fluentes.  
 Illius aspectu cedat seu proximus instet,  
 Anxius ut iuvenis dubium stupet, inscius ipsi.  
 Altius acceptae quam mira potentia flammae 275  
 Fortiter incendit! Vacuus manet omine sensus.  
 Incipit effari mediaque in voce resistit;  
 Tum tandem Aeneas dictis ita turbidus inquit:  
 «O quam te memorem, virgo? Namque haud tibi vultus  
 Mortales, haud os hominem indicat: o, dea certe! 280  
 An Phoebi soror an nympharum sanguinis una?  
 Sis felix nostrumque leves, quaecumque, laborem  
 Et, quo sub caelo tandem, quibus orbis in oris  
 Iactemur, doceas. Ignari hominumque locorumque  
 Erramus vento huc vastis et fluctibus acti: 285  
 Multa tibi ante aras nostra cadet hostia dextra.»  
 Subridens illi pulcherrima dixit Elissa:  
 «Principibus Tyrium mos est gestare pharetram  
 Purpureoque alte suras vincire cothurno.  
 Iugera Poena vides, Tyrios, Karthaginis urbem; 290  
 Illa ego sum Dido, regni regina recentis.  
 Mi coniunx Sychaeus erat ditissimus agri  
 Phoenicum et magno miserae dilectus amore;  
 Me pater intactam dederat primisque iugarat  
 Ominibus. Sed regna Tyri germanus habebat 295  
 Pygmalion, scelere ante alios immanior omnes.  
 Quos inter medios venit furor: ille Sychaeum  
 Impius ante aras atque auri caecus amore  
 Clam ferro incautum superat securus amorum

Germanae factumque diu celavit et aegram 300  
 Multa malus simulans vana spe lusit amantem.  
 Ipsa sed in somnis inhumati venit imago  
 Coniugis ora modis attollens pallida miris;  
 Crudeles aras traiectaque pectora ferro  
 Nudavit caecumque domus scelus omne retexit. 305  
 Tum celerare fugam patriaue excedere suadet  
 Auxiliumque viae veteres tellure recludit  
 Thesauros, ignotum argenti pondus et auri.  
 His commota fugam celerem sociosque parabam;  
 Conveniunt, quibus aut odium crudele tyranni 310  
 Aut metus acer erat; naves, quae forte paratae,  
 Corripiunt onerantque auro; portantur avari  
 Pygmalionis opes pelago: dux femina facti.  
 Venimus in portus, ubi nunc ingentia cernis  
 Moenia surgentemque novae Karthaginis arcem, 315  
 Mercatique solum, facti de nomine Byrsam,  
 Taurino quantum possent circumdare tergo.  
 Sed vos qui tandem quibus aut venistis ab oris  
 Quove tenetis iter?» Quaerenti talibus ille  
 Suspirans imoque trahens a pectore vocem: 320  
 «Nos Troia antiqua, si vestras forte per aures  
 Troiae nomen iit, diversa per aequora vectos  
 Forte sua Libycis tempestas appulit oris.  
 Sum pius Aeneas, raptos qui ex hoste penates  
 Classe veho mecum, fama super aethera notus. 325  
 Bis denis Phrygium conscendi navibus aequor  
 Matre dea monstrante viam data fata secutus;  
 Vix septem convulsae undis Euroque supersunt.  
 Nunc ignotus egens Libyae deserta peragro.

O regina, novam cui condere Iuppiter urbem 330  
 Iustitiaque dedit gentes frenare superbas,  
 Temet nos miseri, ventis maria omnia vecti,  
 Oramus, prohibe infandos a navibus ignes,  
 Parce pio generi et propius res aspice nostras;  
 Quassatam ventis liceat subducere classem. 335  
 Non nos aut ferro Libycos populare penates  
 Venimus aut raptas ad litora vertere praedas;  
 Non ea vis animo nec tanta superbia victis.»  
 Tum breviter Dido vultum demissa profatur:  
 «Quisquis es, haud, credo, invisus caelestibus auras 340  
 Vitales carpis, Tyriam qui adveneris urbem.  
 Quis genus Aeneadum et Troiam quis nesciat altam  
 Virtutesque virosque aut tanti incendia belli?  
 Non obtusa adeo gestamus pectora Poeni,  
 Nec tam aversus equos Tyriis Sol iungit ab oris. 345  
 Namque tibi reduces socios classemque relatam  
 Nuntio et in tutum versis aquilonibus actam.  
 Solvite corde metum, Teucri, secludite curas!  
 Auxilio veniam vobis miserisque medebor:  
 Quare agite, Aenea, salvi concedite mecum, 350  
 Pergite et, o clari, mea nunc ad regna venite!»  
 Dixit et in templum forma pulcherrima Dido  
 Incessit magna populi veniente caterva.  
 Illam omnis tectis et agris effusa iuventus  
 Turbaque miratur matrum et prospectat euntem 355  
 Attonitis inhians animis, ut regius ostro  
 Velet honos leves umeros, ut fibula crinem  
 Auro internectat, capite ut gerat ipsa tiaram  
 Atque immortalem fixo diademate laurum.

Qualis in Eurotae ripis aut per iuga Cynthi 360  
 Exercet Diana choros, quam mille secutae  
 Hinc atque hinc glomerantur Oreades; illa pharetram  
 Fert umero gradiensque deas supereminet omnes:  
 Talis erat Dido, talem se laeta ferebat  
 Per medios instans operi regnisque serenis. 365  
 Aeneae tacitum pertemptant gaudia pectus,  
 Cum foribus divae media testudine templi  
 Saepta armis solioque alte subnixa resedit  
 Gemmiferaque manu sceptrum regale tenebat:  
 Iura dabat legesque viris operumque laborem 370  
 Partibus aequabat iustis aut sorte trahebat.  
 Dixerat, et nymphe ritu succincta Dianae,  
 Una ministrarum, fuis utrimque capillis,  
 Incessit cultoque tulit praedivitis aulae  
 Altari pateras, felicia dona, peramplas: 375  
 Naides has pomis et odoro flore repletas  
 Sacrarunt, sospesque suo Bona Copia cornu est.  
 Tum subito Aeneas concursu accedere magno  
 Anthea Sergestumque videt fortemque Cloanthum  
 Teucrorumque alios, ater quos aequore turbo 380  
 Dispulerat penitusque alias avexerat oras.  
 Obstupuit simul ipse, simul perculsus Achates  
 Lactitiaque metuque; parant coniungere dextras.  
 Restitit Aeneas largaque in luce refulsit  
 Os umerosque deo similis; namque ipsa decoram 385  
 Caesariem nato genetrix lumenque iuventae  
 Purpureum et laetos oculis afflarat honores:  
 Quale manus addunt ebori decus aut ubi flavo  
 Argentum Pariusve lapis circumdatur auro.



Nunc iterum alloquitur reginam Troïus heros 390  
 Ut rex ipse suis, ut dux pastorque virorum:  
 «O sola infandos Troiae miserata labores,  
 Quae nos reliquias Danaum terraeque marisque  
 Omnibus exhaustos iam casibus, omnium egenos  
 Urbe, domo socias, grates persolvere dignas 395  
 Non opis est nostrae, Dido, nec quicquid ubique est  
 Gentis Dardaniae, magnum quae sparsa per orbem.  
 Accipe daque fidem: sunt nobis fortia factis  
 Pectora, sunt animi et rebus spectata iuventus.  
 Di tibi, si qua pios respectant numina, si quid 400  
 Usquam iustitia est et mens sibi conscia recti,  
 Praemia digna ferant. Quae te tam laeta tulerunt  
 Saecula, qui tanti talem genuere parentes!  
 In freta dum fluvii current, dum montibus umbrae  
 Lustrabunt convexa, polus dum sidera pascet, 405  
 Semper honos nomenque tuum laudesque manebunt.»  
 Et postquam Phoenissa orantem ex agmine sensit  
 Dardanium Aenean, vera haud illusit imago;  
 Namque omnes super excellens atque altior ibat  
 Et late regalem oculis spargebat honorem 410  
 Sidereis. Illa os nitidum frontemque decoram  
 Iamdudum et totum lustrabat lumine corpus;  
 Scilicet obstupuit verbis, sic ore locuta est:  
 «Quis te, nate dea, per tanta pericula casus  
 Insequitur? Quae vis immanibus applicat oris? 415  
 Atque equidem Teucrum memini Sidona venire  
 Finibus expulsum patriis, nova regna petentem  
 Auxilio Beli; genitor tum Belus opimam  
 Vastabat Cyprum et victor ditione tenebat.

Tempore iam ex illo casus mihi cognitus urbis 420  
 Troianae nomenque tuum regesque Pelasgi.  
 Ipse hostis Teucros insigni laude ferebat  
 Seque ortum antiqua Teucrorum a stirpe volebat.  
 Me quoque per multos similis fortuna labores  
 Iactatam hac demum voluit consistere terra. 425  
 Non ignara mali miseris succurrere disco:  
 Vos certe, Aenea, fortissime Troiugenarum,  
 Accipio agnoscoque libens opibusque iuvabo.  
 Vultis et his mecum pariter considerare regnis,  
 Urbem, quam statuo, vestra est, subducite naves; 430  
 Tros Tyriusque mihi nullo discrimine habetur.  
 Ne petite auxilium, sed sumite prorsus, amici,  
 Vestras nec dubie, quas haec habet urbs, ita vires  
 Ducite! Communis rerum status iste mearum est —  
 Gratia, dis, felix et inextricabile foedus. 435  
 Robora sint votis mea convenientia vestris!»  
 Sic memorat; simul Aenean in regia ducit  
 Tecta, simul divum templis indicit honorem.  
 Nec minus interea sociis ad litora mittit  
 Viginti tauros, magnorum horrentia centum 440  
 Terga suum, pingues centum cum matribus agnos.  
 Postquam regales aditus intravit et una  
 Optimus Aeneas, sequitur quem fidus Achates,  
 Dehinc Tyrii mixtique Phryges, tum splendida lato  
 Applausu et celebri completur regia coetu. 445  
 Extemplo effusae studio matresque nurusque  
 Longaevique patres stabant iuvenumque cohortes  
 Pulchra revisentes Troianae corpora gentis.  
 Ante omnes magnum Aenean cupidoque notabant

Altum animo genus et praestantem frontis honorem. 450  
 Et domus interior pollenti splendida luxu  
 Instruitur, mediisque parant convivia tectis:  
 Arte laboratae vestes ostroque superbo,  
 Ingens argentum mensis caelataque in auro  
 Fortia facta patrum, series longissima rerum 455  
 Per tot ducta viros antiqua ab origine gentis.  
 Aeneas (neque enim patrius consistere mentem  
 Passus amor) rapidum ad naves praemittit Achaten,  
 Ascanio ferat haec ipsumque ad moenia ducat:  
 Omnis in Ascanio cari stat cura parentis; 460  
 Vadat et Andromachae quondam data munera, vestes  
 Intextas auro gerat et, quod saepe solebat,  
 Dum res Troianae stabant, circumdare collo,  
 Auratum gemmis circumsaeptumque monile,  
 Praeterea magnum cratera, in pignus amoris 465  
 Quem Priamus patri Anchisae donaverat olim.  
 Ferre iubet pallam signis auroque rigentem  
 Et circumtextum croceo velamen acantho,  
 Vellera praeterea pulchra argentique corollam  
 Et citharam auratam plectroque et pectine eburno. 470  
 Haec celerans iter ad naves tendebat Achates.  
 Iamque ibant dicto parentes; dona superbi  
 Regia portabant Tyriis duce semper Achate.  
 Cum veniunt, iam se aulaeis regina decoris  
 Aurea composuit sponda mediamque locavit. 475  
 Nunc pater Aeneas et nunc Troiana iuventus  
 Congreditur stratoque super discumbitur ostro.  
 Praecipue felix, fato devota futuro,  
 Expleri mentem nequit ardescitque tuendo

Phoenissa et pariter puero Aeneaque movetur. 480  
 Ille ubi complexu Aeneae colloque pependit  
 Et magnum cari implevit genitoris amorem,  
 Reginam petit: haec oculis, haec pectore toto  
 Haeret et interdum gremio foveat; augurat ipsa,  
 Felici insidat quantus deus; hic memor inde 485  
 Matris Acidaliae paulatim abolere Sychaeum  
 Incipit et vivo temptat praevertere amore  
 Iam pridem resides animos desuetaque corda.  
 Perpetuo bibulis Dido spectabat Iulium  
 Luminibus vultum admirans moresque decentes 490  
 Et graviter puerili ex ore cadentia verba  
 Maturumque animum ante annos et multa rogabat  
 Permixtas referens voces; dehinc oscula figens  
 Dulcia complexum manibus iunctumque fovebat  
 Et nimium exultans felicem et munere divum 495  
 Donatum Aenean pro tali prole ferebat.  
 Postquam prima quies epulis mensaeque remotae,  
 Crateras magnos statuunt et vina coronant.  
 Fit strepitus tectis, vocemque per ampla volutant  
 Atria; dependent lychni laquearibus aureis 500  
 Incensi et noctem flammis funalia vincunt.  
 Hic regina gravem gemmis auroque poposcit  
 Implevitque mero pateram, quam Belus et omnes  
 A Belo soliti; tum facta silentia tectis:  
 «Iuppiter, hospitibus nam te dare iura loquuntur, 505  
 Hunc laetum Tyriisque diem Troiaque profectis  
 Esse velis nostrosque huius meminisse minores.  
 Adsit laetitiae Bacchus dator et bona Iuno;  
 Et vos, o, coetum, Tyrii, celebrate faventes.»

Dixit et in mensam laticum libavit honorem 510  
 Primaque libato summo tenuis attigit ore,  
 Tum Bitiae dedit increpitans; ille impiger hausit  
 Spumantem pateram et pleno se proluit auro,  
 Post alii procures. Cithara crinitus Iopas  
 Personat aurata, docuit quem maximus Atlas. 515  
 Hic canit errantem lunam solisque labores,  
 Unde hominum genus et pecudes, unde imber et ignes,  
 Arcturum pluviasque Hyadas geminosque Triones,  
 Quid tantum Oceano properent se tingere soles  
 Hiberni, vel quae tardis mora noctibus obstet; 520  
 Ingeminant plausu Tyrii, Troesque sequuntur.  
 Et sospes vario noctem sermone trahebat  
 Dido felicemque merumque bibebat amorem  
 Multa super Priamo rogitans, super Hectore multa;  
 Nunc quibus Aurorae venisset filius armis, 525  
 Nunc quales Diomedis equi, nunc quantus Achilles.  
 Annuit Aeneas fortique ita voce locutus:  
 «FleBILE principium melior fortuna secuta est:  
 Hanc utinam possem tibi gratificare sine illo!  
 Ordine nunc repetam neu longa ambage morer vos: 530  
 Ossa cinisque iacent, memori quos mente requiris;  
 Et quota pars rerum misere periere mearum!»  
 Sic pater heroos intento corde labores  
 Fataque narrabat divum cursusque docebat.  
 Haec ubi dicta, dapes iubet et sublata reponi 535  
 Pocula gemmatoque viros locat ipsa sedili  
 Praecipuumque toro et villosi pelle leonis  
 Accipit Aenean solioque invitat eburno.  
 Nunc plausus per tecta movent, et turba deorum

In medium affertur summis cum vocibus altos 540  
 Perlata ad caelos: ante omnes gratior unus  
 Aeneas duplices mittebat ad aethera palmas  
 Et puerum pauca ore dabat complexus Iulium:  
 «Nate, in quo spes una patris, per tanta dolorum  
 Quem variis actus bellis discrimina duxi, 545  
 Ecce inventa quies, ecce illa extrema malorum  
 Aerumnis factura modum acceptissima semper  
 Atque optata dies, tibi quam meminisse futuram  
 Iam memini dis auspiciis in fata vocatus.»  
 Dehinc sese ad gentem duplicemolvebat amico 550  
 Continuans vultu et placida sic voce locutus:  
 «O socii, per dura ac densa pericula vecti,  
 Per tantos bellorum aestus tantosque furores  
 Armorum, per totque hiemes, per quicquid acerbum,  
 Horrendum, grave, triste, ingens, per quicquid iniquum, 555  
 Infaustum et crudele foret, convertite mentem  
 In melius: iam finis adest: hic meta malorum  
 Stabit, et optatam Tyria cum gente quietem  
 Iungemus: terras et caelum et sidera testor,  
 Qui vos tantorum eripui de clade malorum, 560  
 Idem ego sub maiora potens vos praemia ducam.  
 Hospitibus vobis, Tyrii, tibi, optima Dido,  
 Laudes et grates dignae peragentur in aevum!  
 Immo ita sit, iamiam crescat bona civibus, opto,  
 Urbs;» ait «adveniens equidem modo gaudia cepi!» 565  
 Et plausus omnes iterum per tecta movebant.  
 Tum lecti iuvenes certatim escaeque magistri  
 Viscera tosta parant taurorum onerantque canistris  
 Praemia largiferae Cereris Bacchumque ministrant:

Instaurant epulas et mensae grata secundae 570  
 Dona ferunt cumulantque onerata prandia lance.  
 Vescitur Aeneas simul et Troiana iuventus  
 Perpetui tergo bovis et fumantibus extis.  
 Dat manibus crystallus aquas, et rite ministri  
 Innumeri magno distinguunt ordine curas: 575  
 Pars dapibus reficit mensas, pars pocula miscet  
 Craterasque replet, nunc hac, nunc volvitur illac  
 Turba frequens varios miscetque per atria motus.  
 Postquam exempta fames et amor compressus edendi,  
 Conticuere omnes factoque hic fine quierunt. 580  
 Lux subit, et primo feriente cacumina sole  
 Discedunt procures: laetantur et exhilarantur.  
 At Phoenissa gravi iamdudum saucia flamma  
 Corpore alit toto veneres et carpitur igne.  
 Multa viri virtus animo multusque recursat 585  
 Gentis honos: haerent infixi pectore vultus  
 Verbaque, nec placidum membris dat cura soporem.  
 Spes tamen obscenas animo demittere non est  
 Ausa suo vigilans. Tacita resoluta quiete  
 Saepe videt, quod amat; visa est quoque iungere amato 590  
 Corpus et erubuit, quamvis sopita iacebat.  
 Somnus abit: silet illa diu repetitque quietis  
 Ipsa suae speciem dubiaque ita mente profatur:  
 «Me miseram! Rabidae quid vult sibi noctis imago?  
 Quamque velim rata sit! Cur haec ego somnia vidi? 595  
 Pro Venus et tenera volucer cum matre Cupido,  
 Gaudia quanta tuli! Quam me manifesta libido  
 Contigit! Ut iacui totis resoluta medullis!  
 Ut meminisse iuvat! Quamvis brevis illa voluptas

Noxque fuit praeceps et coeptis invida nostris. 600  
 Quid mihi significant ergo mea visa? Quod autem  
 Somnia pondus habent? An habent et somnia pondus?»  
 Postera Phoebea lustrabat lampade terras  
 Umentemque Aurora polo dimoverat umbram,  
 Cum sic unanimam alloquitur male sana sororem: 605  
 «Anna soror, quae me suspensam insomnia vexant!  
 Quis novus hic nostris successit sedibus hospes,  
 Quem sese ore ferens, quam forti pectore et armis!  
 Credo equidem – nec vana fides – genus esse deorum.  
 Degeneres animos timor arguit: heu, quibus ille 610  
 Iactatus fatis! Quae bella exhausta ferebat!  
 Si mihi non animo fixum immotumque sederet,  
 Ne cui me vinclo vellem sociare iugali,  
 Postquam primus amor deceptam morte fefellit,  
 Si non pertaesum thalami taedaeque fuisset – 615  
 Huic uni certe potero succumbere amor.  
 Anna, fatebor enim, miseri post fata Sychaei  
 Coniugis et sparsos fraterna caede penates  
 Solus hic inflexit sensus animumque labantem  
 Impulit: agnosco veteris vestigia flammae!» 620  
 Sic effata sinum lacrimis implevit obortis.  
 Anna refert: «O luce magis dilecta sorori,  
 Solane perpetua maerens carpere iuventa  
 Nec dulces natos Veneris nec praemia noris?  
 Id cinerem aut manes credis curare sepultos? 625  
 Esto! Aegram nulli quondam flexere mariti,  
 Non Libyae, non ante Tyro: nec dulcis ĭarbas  
 Ductoresque alii, quos Africa terra triumphis  
 Dives alit – placitone etiam pugnabis amor?



Nec venit in mentem, quorum consederis arvis? 630  
 Hinc Gaetulae urbes, genus insuperabile bello,  
 Et Numidae infreni cingunt et inhospita Syrtis.  
 Dis equidem auspiciis reor et Iunone secunda  
 Hunc cursum Iliacas vento tenuisse carinas.  
 Quam tu urbem, soror, hanc cernes, quae surgere regna 635  
 Coniugio tali! Teucrum comitantibus armis  
 Punica se quantis attollet gloria rebus!  
 Tu modo posce deos veniam sacrisque litatis  
 Indulge hospitio causasque innecte manendi!»  
 His dictis incensum animum inflammavit amore 640  
 Spemque dedit dubiae menti solvitque pudorem.  
 Principio delubra adeunt pacemque per aras  
 Exquirunt; mactant lectas de more bidentes  
 Legiferae Cereri Phoeboque patrique Lyaeo,  
 Iunoni ante omnes, cui vincla iugalia curae. 645  
 Ipsa tenens dextra pateram pulcherrima Dido  
 Candentis vaccae media inter cornua fundit  
 Aut ante ora deum sanctas spatiat ad aulas  
 Instauratque diem donis pecudumque reclusa  
 Pectora perscrutans divinitus immolat exta. 650  
 Uritur assidue Dido totaque vagatur  
 Urbe et amans amens silvas saltusque peragrat.  
 Nunc media Aenean secum per moenia ducit  
 Sidoniasque ostentat opes urbemque paratam;  
 Incipit effari mediaque in voce resistit. 655  
 Nunc eadem labente die convivia quaerit  
 Iliacosque iterum vecors audire labores  
 Exposcit pendetque iterum narrantis ab ore.  
 Post ubi digressi, lumenque obscura vicissim

Luna premit, suadentque cadentia sidera somnos, 660  
 Sola domo maeret vacua stratisque relictis  
 Incubat: illum absens absentem auditque videtque;  
 Aut gremio Ascanium genitoris imagine capta  
 Detinet, immensum si fallere possit amorem.  
 Erubuere genae, totoque excanduit ore, 665  
 Utque solet ventis alimenta assumere, quaeque  
 Magna sub inducta vigit scintilla favilla,  
 Crescere et in nimias agitata insurgere vires,  
 Ardet egens Dido traxitque per ossa furorem:  
 «Communem hunc» secum «populum paribusque regamus 670  
 Auspiciis; liceat Phrygio nupsisse marito  
 Dotelesque suae Tyrios permittere dextrae!  
 Carum ego cum rebus, quas totus possidet orbis,  
 Aenean mutasse velim, quo coniuge felix  
 Tum dis grata ferar, tum vertice sidera tangam. 675  
 Ergo ego, quae fueram non reiectura petentem,  
 Ipsa petam? Poterisne loqui? Poterisne fateri?  
 Coget amor, potero; vel, si pudor ora tenebit,  
 Littera celatos arcana fatebitur ignes.»  
 Hoc placet, haec dubiam vicit sententia mentem; 680  
 In latus erigitur cubitoque innixa sinistro  
 «Viderit: immensos» inquit «fateamur amores.  
 Ei mihi! Quo labor? Quem mens mea concipit ignem?»  
 Et meditata manu componit verba trementi:  
 Dextra tenet ferrum, vacuam tenet altera ceram. 685  
 Incipit et dubitat; scribit damnatque tabellas;  
 Et notat et delet; mutat culpatque probatque  
 Inque vicem sumptas ponit positasque resumit.  
 Quid velit, ignorat; quidquid factura videtur,

Displicet; in vultu est audacia mixta pudori. 690  
 Denique correctis incidit talia ceris:  
 «Quam, nisi tu dederis, non est habitura salutem,  
 Hanc tibi mittit amans; pudet, ah, pudet edere nomen.  
 Et si, quid cupiam, quaeris, sine nomine vellem  
 Posset agi mea causa meo nec cognita Dido 695  
 Ante forem, quam spes votorum certa fuisset.  
 Esse quidem laesi poterat tibi pectoris index  
 Et color et macies et vultus et umida saepe  
 Lumina nec causa suspiria mota patenti  
 Et crebri amplexus et quae, si forte notasti, 700  
 Oscula sentiri non esse innoxia possent:  
 Ipsa tamen, quamvis animi grave vulnus habebam,  
 Quamvis intus erat furor igneus, omnia feci  
 (Sunt mihi di testes), ut tandem sanior essem,  
 Pugnavi que diu violenta Cupidinis arma 705  
 Effugere infelix et plus, quam ferre salacem  
 Posse putes, ego dura tuli. Superata fateri  
 Cogor opemque tuam timidis exposcere votis:  
 Tu servare potes, tu perdere solus amantem.  
 Elige, utrum facias; non hoc inimica precatur, 710  
 Sed quae, cum tibi sit iunctissima, iunctior esse  
 Expetit et vinclo tecum propiore ligari.  
 Est mihi libertas tecum secreta loquendi:  
 Demus et amplexus iungamus et oscula coram!  
 Quantum est, quod desit? Miserere fatentis amorem 715  
 Et non fassurae, nisi cogeret ultimus ardor,  
 Neve merere meo subscribi causa sepulcro!»  
 Protinus impressa signat suspiria gemma,  
 Quam tinxit lacrimis (linguam defecerat umor),

Deque suis unam famulis regina vocavit 720  
 His: «Anchisiadae fer eas festina tabellas!»  
 Venatum Aeneas, una pulcherrima Dido  
 In nemus ire parant, ubi primos crastinus ortus  
 Extulerit Titan radiisque retexerit orbem.  
 Oceanum interea surgens Aurora reliquit: 725  
 It portis iubare exorto delecta iuventus;  
 Retia rara, plagae, lato venabula ferro,  
 Massylique ruunt equites et odora canum vis.  
 Reginam fuco decorandam ad limina primi  
 Poenorum exspectant, ostroque insignis et auro 730  
 Stat sonipes ac frena ferox spumantia mandit.  
 Tandem progreditur magna stipante caterva  
 Sidoniam picto chlamydem circumdata limbo;  
 Cui pharetra ex auro, crines nodantur in aurum,  
 Aurea purpuream subnectit fibula vestem. 735  
 Nec non et Phrygii comites et navus Īulus  
 Incedunt. Ipse ante alios pulcherrimus omnes  
 Infert se socium Aeneas atque agmina iungit.  
 Qualis ubi hibernam Lyciam Xanthique fluenta  
 Deserit ac Delum maternam invisit Apollo 740  
 Instauratque choros, mixtique altaria circum  
 Et Cretes Dryopesque fremunt pictique Agathyrsi;  
 Ipse iugis Cynthi graditur mollique fluentem  
 Fronde premit crinem fingens atque implicat auro,  
 Tela sonant umeris: haud illo segnior ibat 745  
 Aeneas, tantum egregio decus enitet ore.  
 Primum altos ventum in montes atque invia lustra:  
 Ecce ferae saxi deiectae vertice caprae  
 Decurrere iugis; alia de parte patentes

Transmittunt cursu campos atque agmina cervi 750  
 Pulverulenta fuga glomerant montesque relinquunt.  
 Silva vetus stabat nulla violata securi,  
 Alta, frequens trabibus, quibus omne pepercerat aevum;  
 Incipit a saltu devexaque prospicit arva.  
 Quo postquam venere viri, pars retia tendunt, 755  
 Vincula pars adimunt canibus, pars pressa sequuntur  
 Signa pedum cupiuntque suas acquirere laudes.  
 At puer Ascanius mediis in vallibus acri  
 Gaudet equo iamque hos cursu, iam praeterit illos  
 Spumantemque dari pecora inter inertia votis 760  
 Optat aprum aut fulvum descendere monte leonem.  
 Concava vallis erat, quo se demittere rivi  
 Assuerant pluvialis aquae: tenet ima lacunae  
 Lenta salix ulvaeque leves iuncique palustres  
 Viminaque et longa parvae sub harundine cannae; 765  
 Vasta palus haec est densisque obsessa salictis.  
 Inde furore gravis strepitus loca proxima terret:  
 Belua grandis, aper, dumis umentibus exit  
 Oblitus et mucis et crasso sanguine rictus  
 Rubraque fulminea suffusus tempora flamma; 770  
 Qui quamquam saevit pariter rabieque fameque,  
 Acrior est rabie neque enim ieiunia curat  
 Caede boum diramque famem finire, sed omne  
 Vulnerat armentum sternitque hostiliter hostes.  
 Fecerat exiguas iam sol altissimus umbras: 775  
 Tunc aper excitus subito violentus Īulum  
 Urget ut excussis elisi nubibus ignes.  
 Fulgurei fulgent oculi, riget ardua cervix,  
 Stantque velut vallum, velut alta hastilia saetae.

Fervida cum rauco latos stridore per armos 780  
 Spuma fluit, dentes aequantur dentibus Indis;  
 Pestis ab ore venit, frondes afflatibus arent.  
 Continuo gravidas segetes proculcat et herbas  
 Sternit et incursu nemus, ac propulsa fragorem  
 Silva dat: exclamat iuvenis praetentaque forti 785  
 Tela tenet dextra lato vibrantia ferro.  
 Ille ruit spargitque canes, ut quisque furenti  
 Obstat, et obliquo latrantes dissipat ictu.  
 At manus Ascanii variat, missisque duabus  
 Hasta prior terra, medio stetit altera tergo. 790  
 Ira feri mota est, nec fulmine lenius arsit:  
 Emicat ex oculis, spirat quoque pectore flamma,  
 Utque volat moles adducto concita nervo,  
 Cum petit aut muros aut plenas milite turrets,  
 Aggreditur iuvenem vano impete vulnificus sus. 795  
 Nec mora, dum saevit, dum corpora versat in orbem  
 Stridentemque novo spumam cum sanguine fundit,  
 Vulneris auctor adest summamque irritat ad iram  
 Splendidaque adversos venabula condit in armos:  
 Iamque venenifero sanguis manare palato 800  
 Coeperat et virides aspergine tinxerat herbas.  
 Gaudia testantur venientes eminus omnes  
 Qui mirabantur socii clamore secundo  
 Victricemque petunt dextrae coniungere dextram  
 Immanemque ferum multa tellure iacentem 805  
 Solliciti spectant neque adhuc contingere tutum  
 Esse putant, sed tela tamen sua quisque cruentat.  
 Ipse pede imposito caput exitiabile pressit  
 Atque ita «sume mei spolium, pater optime, iuris,»

Dixit «et in partem veniat mea gloria tecum.» 810  
 Protinus exuvias rigidis horrentia saetis  
 Terga dat et curvis insignia dentibus ora;  
 Illi laetitiae est cum munere muneris auctor,  
 Laudavere alii, totoque erat agmine plausus.  
 Tum pater Aeneas spoliū commisit Achatae, 815  
 Ut propere templis victore dicaret Iūlo.  
 Interea magno misceri murmure caelum  
 Incipit, insequitur commixta grandine nimbus;  
 Et Tyrii proceres passim et Troiana iuventus  
 Dardaniusque nepos Veneris diversa per agros 820  
 Tecta metu petiere; ruunt de montibus amnes:  
 Diffugiunt comites et nocte teguntur opaca.  
 Speluncam Dido dux et Troianus eandem  
 Deveniunt; prima et Tellus et pronuba Iuno  
 Dant signum: niveis hinc atque hinc nuda lacertis 825  
 Cunctantem amplexu molli fovet, ille repente  
 Accepit solitam flammam suavisque medullas  
 Intravit cremor et calefacta per ossa cucurrit.  
 At prior Aeneas votis compellat Elissam:  
 «Nescis, quanta tuae dederint mihi gaudia cerae; 830  
 Respice ad has voces et iam, precor, annue coniunx!  
 Umquam ego si meriti sim noctis et immemor huius,  
 Si me sceptrā, domum, vinclum liquisse iugale  
 Senseris ingrātum et non haec promissa tuentem,  
 Tum me non hostes iuвет evasisse fretumque. 835  
 Tu, mea lux...» inquit, sensim sub eburnea colla  
 Immotus cadit; erranti tunc lumine cunctas  
 Appetit uxoris dotes, fas omne nefasque.  
 Sublevat affixum mammae dignissima coniunx:

«Formae si tenerae nimia es dulcedine captus,» 840  
 Haec sequitur «quae non alimenta ministrat amor  
 Insignis tua virtus? Quid caelestis origo  
 Non concessa tibi? Quem maxima turba dearum  
 Nec dedignetur thalamis, sociare iugali  
 Me vinclo potuit, felicem terque beatam 845  
 Indigetis sociam! At casus felicior esto:  
 Si qua mihi de te suboles suscepta fuisset,»  
 Phoenissa «et nostris» suspirat «parvulus aulis  
 Luderet Aeneas, qui te magis ore referret,  
 Tunc equidem praegnans omnino grata videbor!» 850  
 Talibus inter se blandis contendit uterque.  
 Increscunt nervi, virescit ab inguine luxus:  
 Ingemit aeternoque potens devinctus amore  
 Optatos dedit amplexus placidamque petivit  
 Reginae infusus gremio per membra quietem. 855  
 Extemplo fulsere ignes et conscius aether  
 Conubiis, summoque ulularunt vertice nymphae.  
 Mox hymenaeus erit: nec iam meditantur amorem  
 Furtivum. Quid nunc species vel fabula refert?  
 Confestim Libyae magnas it fama per urbes 860  
 Ac praegaudenti populis sermone canebat  
 Venisse Aenean Troiano sanguine cretum,  
 Cui se pulchra viro dignetur iungere Dido.  
 Annuit unanimis nato Venus, inde profecto  
 Ipsa suas illis croceo subtegmine vestes 865  
 Induit, ipsa suam duplicem Cytherea coronam  
 Donat et ardentes pulchra cum coniuge gemmas.  
 Dignus Hymen nato Veneris, namque affuit omnis  
 Caelicolum coetus praestantum gaudia plena.



Et bonus Ascanius, socii sociaeque fideles, 870  
 Anna, Venus, Iuno et sanctas Hymenaeus ad aulas  
 Astant ac faustas taedas nubentibus urunt;  
 Turba ruit, mixtaeque viris matresque nurusque  
 Et vulgus proceresque excelsa ad festa feruntur.  
 Carmina divino cecinerunt pectore Parcae 875  
 (His corpus tremulum complectens undique vestis  
 Candida purpurea talos incinxerat ora,  
 At roseo niveae residebant vertice vittae):  
 «Nunc agite, o iuvenes, tantarum in munere laudum  
 Cingite fronde comas et pocula porcite dextris 880  
 Communesque vocate deos, date vina volentes!»  
 Tunc sacer implevit dextras scyphus; ocus omnes  
 Inque aram laeti libant divosque precantur.  
 Tunc sacerdotes sacrant altaria sertisque  
 Exornant caeduntque albas de more bidentes, 885  
 Amplifica amborum bicolor dum populus umbra  
 Prae templo velat comptum caput exspectantum.  
 Nec mora, cum plausu plebis lateque sonoro  
 Cornicinum cantu circum fidibusque canoris  
 Laurigero comitum spatiantes rite sub arcu 890  
 Aeneas Didoque ineunt adytoque precari  
 Incipiunt, ignes Pollux undasque iugales  
 Praetulit, et dextrum pariter vertuntur in orbem:  
 Coniugio iunguntur eo propriique dicantur.  
 Iuppiter hic risit, tempestatesque serenae 895  
 Riserunt omnes risu Iovis omnipotentis.  
 Decertant subito Pallas, Victoria, Mavors,  
 Aeneam et sociam ut sertis lauroque coronent.  
 Assidue applaudunt cuncti et gratantur amici

Consortesque tenent avidisque amplexibus haerent. 900  
 Laetitia ludisque viae choreisque fremebant:  
 Omnibus in plateis matrum chorus, omnibus aulis;  
 Ante aras terram caesi stravere iuvenci,  
 Glandivorique sues iugulantur ovesque bidentes  
 Purpureum effuso pulsantes sanguine fundum. 905  
 Ambo sistentes decorato limine templi  
 Munera suscipiunt populorum aptantque superbis  
 Postibus inceduntque domum longo ordine pompae.  
 Devexo interea propior fit Vesper Olympo.  
 Regia blandifluis ample circumdatur hortis; 910  
 Cernitur inde forum latum. Procul exstat ad arcem  
 Plena creaturis invictis ardua turris:  
 Dextra parte leo frendens ruit, illius ore  
 Aethera per nitidum tormenta ignita feruntur.  
 Laeva parte draco, centum capita oraque centum; 915  
 Mille vomit revomitque nitrato pulvere culmos.  
 Impete sic tanto tubuli tolluntur ad auras,  
 Vix acie ut possint oculi servare videntum.  
 Desiliuntque solo, ut glomeratas undique stellas  
 Praecipitare putes; repetito sulfure vivus 920  
 Nunc tubulis crescit splendor, nunc vertitur orbis:  
 Audeat hos quidam surgentes dicere soles.  
 Haec spectacula sunt valde pyrotechnica pulchra!  
 Insistit medium candenti corpore cygnus:  
 Aëre compresso per mille foramina montes 925  
 Sibilat et Bacchi et mellis; iam roscidus imber  
 Prosilit et duplici per compita fonte recurrit.  
 Huc iuvat innocuam pubem spectare volando;  
 Pars dextra exhaustos avido bibit ore liquores,

Pars resupina caput fontem delibat utrumque; 930  
 Omnes eximio festum clamore salutant.  
 Largi mirificis satiantur odoribus ignes  
 Sertaque dependent tectis et ubique lyraeque  
 Tibiaque et cantus, animi felicia festi  
 Argumenta, sonant; reseratis atria valvis 935  
 Tota patent, hilari proceres instructa paratu  
 Reginaeque novique adeunt convivia regis:  
 Dona ferunt prae se, declarant gaudia vultu.  
 Consonat assensu populi precibusque faventum  
 Regia, nec tota tristis locus ullus in urbe est. 940  
 Quidam etiam personatus venit oraque Bacchi  
 Induit et vestes, hederis sua tempora cinctus.  
 Atque alia incessu simulat comptisque capillis  
 Et palla instructa divino sanguine natam.  
 Nobilis his gressus, firmati corporis exit 945  
 His habitus, superantque sales et gratia factis.  
 Et vultu nimium austero et cervice superba  
 Procedunt alii: occulti post tempora crines,  
 Strictior his thorax, manicae post tergora passae.  
 Inde choros agitare novos operaque secunda 950  
 Compositos mollesque datur producere motus.  
 Dido suo inducit choreas pulcherrima sponso:  
 Mille figuratur, varios se flectit in orbes;  
 Itque redditque gradum; dextra tum parte sinistra  
 Dat cursum cursumque movet numerisque modisque; 955  
 Seu pede suspenso, librato corpore terras  
 Seu quatiat, festiva placet praestantia motus;  
 Tunc plausus fremitusque omnes super aëra mittunt.  
 Ludentum triplex distinguitur ordo sedendi:

Reginae et regi atque Annae Iuloque dicatur 960  
 Circulus interior; succedit proximus illi  
 Troianum procerumque et quas a sanguine dicunt  
 Illustres; sese mansoribus ultimus offert.  
 Candet ebur soliis, collucent pocula mensae,  
 Tota domus splendet regali fulgida gaza. 965  
 Dant manibus famuli lymphas Cereremque canistris  
 Expediunt tonsisque ferunt mantelia villis.  
 Quinquaginta intus famulae, quibus ordine longam  
 Cura penum struere et flammis adolere penates;  
 Centum aliae totidemque pares aetate ministri, 970  
 Qui dapibus mensas onerent et pocula ponant.  
 Discubuere toris omnes et corpora tosta  
 Carne replent vinoque levant curasque sitimque.  
 Nunc illos citharae, nunc illos carmina vocum  
 Longave multifori delectat tibia buxi, 975  
 Nunc noctem sermone trahunt scaenasve tuentur.  
 Talibus atque aliis inter se tempora degunt  
 Longa, dehinc fremitus laetaeque per atria voces  
 Alta volant: strepitu ingenti tectum omne repletur.  
 Dant lucem flammae et lato splendore coruscant. 980  
 Consurgunt iterum cuncti citharasque sequuntur;  
 Ingentem plausum ingeminant seque agmine toto  
 Permiscunt variantque pedes raptimque feruntur.  
 Laetitias inter metuendus fulminis ales  
 Ecce fenestram intrat nimio sudore patentem. 985  
 Hic loca circuitu et diversis orbibus actus  
 Sponsorum impendit capiti pennisque subumbrat.  
 Augurium Aeneas laeto clamore salutat:  
 «Accipio, sintque ista, precor, felicia mentis

Signa piae,» dicit «quae dat mihi pignora numen.» 990  
 Imponit choreis finem; populoque remisso  
 Pulvinar vero amborum geniale locatur  
 Sedibus in mediis, Indo quod dente politum  
 Tincta tegit roseo conchyli purpura fuco;  
 Haec vestis priscis hominum variata figuris 995  
 Heroum mira virtutes indicat arte.  
 Hic secreta petit sponsae comitantis; et Anna  
 Se soror alisequam nec non et fidus Achates  
 Se socium praebet, famulique sequuntur euntes;  
 Vestibus exutis comites tot fausta precantur, 1000  
 Exoptant multam subolem; nec plura, recedunt.  
 Impatiens Veneris thalamo se immittit uterque.  
 Coniugis hic miratus eburnum corpus ab igne  
 Incensusque novo sua vota reduxit ad unum:

1005

1010

1015

Mollibus hinc stratis dulcem petiere soporem.  
 Et iam festa novem largo conubia luxu  
 Attigerant celebrata dies; tum rite novellam

Aeneas urbem curvo signabat aratro 1020  
 Fundabatque domos et amictas aggere fossas:  
 Felix sorte sua felices civibus annos  
 Mens curare fuit formandae et commoda genti.  
 Ecce autem – fatu mirabile – flamma micare  
 Ingens ac fulgore levi et se nubibus altis 1025  
 Miscere e summo reginae vertice visa est.  
 Obstupuit pius Aeneas duplicesque tetendit  
 Ad caelum cum voce manus: «Si, Iuppiter, umquam  
 Gens monitis Troiana tuis terraque marique  
 Paruit imperiisque libens, si, numina, vestras 1030  
 Et metui coluique aras, per si quid agendum est,  
 Quod restat, placidam felici afferte quietem  
 Augurio et firmate bonumque imponite finem!»  
 Talia iactantem circumstetit aurea mater  
 Se Venerem confessa almo et sic edidit ore: 1035  
 «Nate, animo pone hanc curam et meliora capesse  
 Signa deum gaudensque bonis succede futuris.  
 Nunc tibi parta quies, nunc meta extrema laborum,  
 Nunc tandem optatam componunt saecula pacem.  
 Nec flammam ad caelos perlatam e vertice carae 1040  
 Coniugis horresce; at constantem dirige mentem.  
 Namque erit illa, tuum celebri quae sanguine nomen  
 Troianosque auctura duces ad sidera mittat;  
 Quae tibi magnanimos sublimi prole nepotes  
 Conferet, altisonis qui totum laudibus orbem 1045  
 Complebunt actisque suis, quos gloria summo  
 Oceanum transgressa ingens aequabit Olympo;  
 Quos tandem post innumera atque illustria rerum  
 Gesta deos factura vehet super aethera virtus.

Hanc flammam ventura tuae praeconia gentis 1050  
 Designant; hoc Omnipotens e culmine signum  
 Sidereo dedit ob tantarum munera laudum.  
 Praeterea sacros Troia ex ardente penates  
 Ereptos compone nova intra moenia et altos  
 Infer ad aeternum mansuros tempus honores. 1055  
 Felices, quos tanta manent! Dehinc pace perenni  
 Vos ambo gentem Iliacam Tyriamque tenetis.  
 Cum suprema dies veniet, tum laetus ad altum  
 Mitteris caelum. Sic stat sententia divum.»  
 Dixit et inde leves fugiens se vexit in auras. 1060  
 Aeneas tanto stupefactam numine mentem  
 Percussus divae peragit mandata parentis.  
 Inde suos populos aeterna in pace regebant:  
 Iam paribus Phryges et Tyrii se moribus ultro  
 Et socia ingenti firmabant pectora amore 1065  
 Concordique aequas miscebant foedere leges.  
 Auspiciis certis gentes atque omine fausto  
 Innocuos soles tranquilla per otia agebant.  
 His animus studiumque agiles in retia cervos  
 Cogere sectarique feras et cingere saltus; 1070  
 Mane novo ductos alii sub aratra iuvencos  
 Sole cadente reducebant nec furta dolosve;  
 Horrea gaudebant frumento rupta coloni  
 Autumnique uvas Baccho donante premebant.  
 Talibus atque aliis longos virtutibus illi 1075  
 Implevere dies: lucis pars ultima mensae  
 Est data, nox somnis; iubar aureus extulerat sol.  
 Quales tunc mores, quae vita, heu! quanta voluptas!  
 Non alios, donec Saturnia regna manebant,

|                                                    |      |
|----------------------------------------------------|------|
| Crediderim luxisse dies melioraque fata.           | 1080 |
| Ascanii postquam iuvenis maturuit aetas,           |      |
| Regifica virtute nitet fortissimus armis           |      |
| Et numerum heroum gestis praestantibus auget.      |      |
| Quem pater emisit Romanam condere gentem           |      |
| Et regere imperium pacique imponere morem,         | 1085 |
| Parcere subiectis et debellare superbos.           |      |
| Protinus est alius bellator victus amore:          |      |
| Nam soror Anna suo victrix denupsit Iarbae.        |      |
| Rasilis huic summam mordebat fibula vestem,        |      |
| Crinis erat simplex, nodum collectus in unum;      | 1090 |
| Ex umero pendens resonabat eburnea laevo           |      |
| Telorum custos, arcum quoque laeva tenebat.        |      |
| Femina erat cultu talis, quam dicere vere          |      |
| Virgineam in diva, divinam in virgine posses.      |      |
| Iamdudum vidit iamdudumque Africus heros           | 1095 |
| Optavit flaccente genu flammisque voraces          |      |
| Hausit et «o felix, si quem dignabitur» inquit     |      |
| «Ista virum!» Nec plura; probavit et Anna maritum. |      |
| Dein medium Venus exsultans intravit Olympum       |      |
| Et Iovis est complexa pedes sic ore locuta:        | 1100 |
| «Omnipotens genitor, qui solus ab aethere summo    |      |
| Cuncta moves, qui res hominum curasque recenses,   |      |
| Dum Teucros traheret fortuna inimica, recordor,    |      |
| Spondebas finem aerumnis rebusque salutem.         |      |
| Nec tua me promissa, pater, sententia fallit;      | 1105 |
| Namque omnes gaudere sacra sic pace per annos      |      |
| Viderunt cunctae nullo discrimine partes.          |      |
| Verum ad siderei missurum culmina caeli            |      |
| Pollicitus magnum Aenean meritumque ferebas        |      |



|                                                    |      |
|----------------------------------------------------|------|
| Illaturum astris. Quid nunc sub pectore versas?    | 1110 |
| Iamque optat matura polos Aeneïa virtus.»          |      |
| Illi hominum sator atque deum dedit oscula ab alto |      |
| Pectore verba ferens: «Quantum, Cytherea, potentem |      |
| Aeneam Aeneadasque omnes infessus amavi            |      |
| Et terra et pelago et per tanta pericula vectos,   | 1115 |
| Nosti, et saepe equidem indolui commotus amore,    |      |
| Nata, tuo. Nunc stat stabilis sententia menti,     |      |
| Qua ductorem alto Phrygium succedere caelo         |      |
| Institui, et firma est numeroque inferre deorum    |      |
| Constat. Quin consortem astris ingentibus addam:   | 1120 |
| Auferat hora duos eadem, nec coniugis umquam       |      |
| Busta suae videat neu sit tumultandus ab illa!»    |      |
| Et suprema seni Aeneae cum coniuge cara            |      |
| Lux aderat. Deus aetheriis descendit ab oris:      |      |
| Tunc, ubi mortales coeperunt exuere artus,         | 1125 |
| Parte sui meliore vigent superique videntur        |      |
| Protinus: augusta fiunt gravitate verendi.         |      |
| Quos pater omnipotens inter cava nubila raptos     |      |
| Quadriiugo curru radiantibus intulit astris        |      |
| Immisitque pari caelo divinitus ambo;              | 1130 |
| Indigetes dicit templisque imponit honores:        |      |
| Cura deum di sunt et, qui coluere, coluntur.       | ⊗    |

### **III.**

## *Epilogo*

*La mia tu sei,  
Il tuo io sono:  
Che gioia, che dono,  
Che grazia del ciel!*

*L'amore di lei  
È sommo favore,  
Rimedio del cuore  
E porto fedel.*

5

*La mia tu sei,  
Il tuo io sono:  
Che noia (perdono!),  
Che nausea del ciel!*

10

*L'amore di lei  
È sommo dolore,  
Tormento del cuore  
E strazio crudel.*

15

*O amore, che miel!  
O amore, che gel!*

*L'amore è il ciel!  
L'amore è il ciel?*

20 ⊗ ⊗

